

卷七十九

書名 唐詩品彙九十卷拾遺十卷 嘉靖十六年序刊本
 撰者 明 高棟 輯
 卷 卷七十九
 內容分類 集-總集-各代-唐
 索書號 集部-總集-35
 編號 D7841100

[彩色首頁1](#)

[東洋文化研究所漢籍目錄 編號: D7841100](#)

[東洋文化研究所漢籍目錄所藏漢籍善本全文影像資料庫 索書號: 集部-總集-35](#)

[漢籍善本全文影像資料庫文本 唐詩品彙九十卷拾遺十卷 嘉靖十六年序刊本](#)

[版權所有: 東京大學 東洋文化研究所](#)

[使用上的注意事項](#)

唐詩品彙拾遺卷之一

言古詩上

太宗皇帝 五首

帝京篇 三首


日雙闕昏迴輿九重暮長煙散初暝皎月澄輕素
 晁說琴書開軒引雲霧斜漢耿層閣清風搖玉樹

二

臨樂館眺聽歡芳節急管韻朱絃清歌凝白雪
 蕭來儀玄鶴紛成列去茲鄭衛聲雅音方可悅

三

新寧高棟編



唐詩品彙七十九卷

接武下

德宗皇帝 一首

麟德殿宴百寮

憂勤承聖緒開泰喜時康
恭已臨群后垂衣御八荒
務閑春向暮朝罷日猶長
紫殿初筵列彤庭廣樂張
成功歸輔弼致理賴忠良
共此懽娛事千秋樂未央

顧况 二首

樂府

暖谷春光至宸遊近甸榮
雲隨天仗轉風入御簾輕
翠蓋浮佳氣朱樓倚太清
朝臣冠劍退宮女管絃迎

細草承雕輦。繁花生幔城。文房開聖藻。武衛宿天營。
玉醴隨觴至。銅壺逐漏行。五星含土德。萬姓徹中聲。
親祀先崇典。躬推示勸耕。國風新正樂。農器近消兵。
道德闕河固。刑章日月明。野人同鳥獸。率舞感昇平。

寄江南鶴林寺石冰上人

山川重復出。心地閻相逢。忽憶秋江月。如聞古寺鐘。
湖平南北岸。雲抱兩三峯。定力超香象。真言攝毒龍。
風中何處鶴。石上幾年松。為報煙霞道人。間共不容。

暢當一首

春日過 缺園

帝里陽和日。遊人到御園。暖催新景氣。春認舊蘭蓀。

詠德先臣沒。成蹊大樹存。見桐猶近井。看柳尚依門。
獻地非更宅。遺忠永奉恩。又期攀桂後。來賞百花繁。

徐凝一首

送日本使還

絕國將無外。扶桑更有東。來朝逢聖日。歸去及秋風。
夜泛潮迴際。晨征葦蒼中。鯨波騰水府。蜃氣狀仙宮。
天眷何期遠。王文久已同。相望杳不見。離恨托飛鴻。

叔孫玄觀一首

洛出書

清洛含溫溜。玄龜薦寶書。波開綠字出。瑞應紫宸居。
物著群靈著。文成列卦初。美珍翔閣鳳。慶邁躍舟魚。

俾姒惟何遠。休皇復在諸。東都主人意。歌頌望乘輿。
戴叔倫 一首

曉聞長樂鐘聲

漢苑鐘聲早。秦郊曙色分。霜凌萬戶徹。風散一城聞。
已啓蓬萊殿。初朝鴛鴦群。虛心方應物。大扣欲干雲。
近雜鷄人唱。新傳鬼氏文。能令翰苑客。流聽思氛氲。

冷朝陽

嚴倉浪云朝陽在大曆才子中為最下

立春

玉律傳佳節。春陽應此辰。土牛呈歲稔。采燕表年春。
臘盡星迴次。寒餘月建寅。風光行處好。雲物望中新。
流水初消凍。潛魚欲振鱗。梅花將柳色。偏照越鄉人。

戎昱 二首

觀衛尚書九日對中使射破的

盛燕傾黃菊。殊私降紫泥。月營開射圃。霜旆拂晴霓。
出將三朝貴。彎弓五善齊。腕迴金鏃滿。的破綠絃低。
勇氣干牛斗。歡聲振鼓鼙。忠臣思報國。更欲取關西。

涇州觀元戎出師

寒日征西將。蕭蕭萬馬叢。吹笳覆樓雪。祝纛滿旗風。
遮虜黃雲斷。燒羌白草空。金鉞肅天外。玉帳盡霜中。
朔野長城閉。河源舊路通。衛青師自老。魏絳賞何功。
槍壘依沙迥。轅門壓塞雄。燕然如可勒。萬里願從公。

李益 一首

再赴渭北使府留別

結髮逐鳴輦連兵追谷蠡山川搜伏虜鎧甲被重犀
故府旌旗在新軍羽校齊報恩身未死識路馬還嘶
列嶂高峰舉當營太白低平戎七尺劍封檢一丸泥
截海收蒲類飽泉飲鷓鴣漢庭中選重更事五原西

羊士諤二首

題郡南山光福寺

傳聞黃閣守茲地賦長沙少壯稱時傑功名惜歲華
岩廊初見剎賓從亟鳴笳玉帳空嚴道并棠見野花
碑殘猶墮淚城古自啼鴉寂寂清風在懷人諒不遐

題東山石壁

并序

乾元初嚴黃門自京兆少尹貶秩牧巴郡以長
才英氣固多暇日每遊郡之東山山側精舍有
盤石細泉疏為流杯之勝苔深樹老蒼然遺躅
士諤謬因出守得繼茲賞乃詩刻於石壁

石座雙峯古雲泉九曲深寂寥疏鑿意蕪沒歲時侵
遶席流還壅浮杯咽復吟追懷王謝侶更似會稽岑
誰為天池翼和期澤畔吟光輝輕尺璧然諾重千金
幾醉東山妓長懸北闕心蕙蘭留雜佩桃李想華簪
閑閣余何事鳴騶亦屢尋軒裳遵往轍風景懋中林
橫吹多凄調高歌送好音初筵方側耳故老忽沾襟
盛列當弘濟平生諒所欽無能愧陳力惆悵拂瑤琴

揚巨源 十首

春日奉酬聖壽無疆詞

代是文明晝春當燕喜時壚煙添柳重宮漏出花逢
漢典方寬律周官正采詩碧霄傳鳳吹紅旭在龍旂
造化膺神器陽和沃聖慈無因隨百獸率舞在丹墀

二

文物京華盛謳歌國步康瑤池供壽酒銀漢麗宸章
雨露含雙闕雷霆肅萬方代推仙祚遠春共聖恩長
鳳袞臨花暖龍壚傍日香遙知千萬歲天意奉君上

三

日上蒼龍闕香含紫禁林晴光五雲疊春色九重深

賞協元和德文垂雅頌音景雲隨御輦顯氣在宸襟
永保無疆壽長懷不戰心聖朝多慶澤瓊樹粉墻陰

四

雲陛臨黃道天門在碧虛大明含霽藻元氣抱宸居
戈偃征苗後詩傳燕鎬初年華富仙苑時哲滿公車
化入氤氳大恩垂泮渙餘悠然萬方靜風俗揖華胥

五

玉漏飄青鎖金鋪麗紫宸雲山九門曙天地一家春
瑞靄方呈賞暄風本配仁岩廊開鳳翼水殿厭鰲身
文雅逢明代驩娛及賤臣年年未央闕恩共物華新

六

唐詩十九卷
五
鴛鴦彤庭際軒車綺陌前九城多好色萬井半祥煙
人醉逢堯酒鸞歌答舜絃花明御溝水香煖禁城天
錫宴文逾盛徵歡物更妍無窮艷陽月長照太平年

七

垂拱乾坤正歡心品類同紫煙含北極玄澤付東風
珠綴留晴景金莖直曉空發生資盛德交泰讓全功
間氣登三事祥光啓四聰遐荒似川水天外亦朝宗

八

睿德符玄化芳情翊太和日輪皇鑒遠天仗聖朝多
曙色含金榜晴光轉玉珂中宮陳廣樂元老進賡歌
蓮葉看龜上桐花識鳳過小臣空擊壤滄海是恩波

九

物象朝高殿簪裾溢上京春當九衢好天向萬方明
樂報簫韶發杯看沆瀣生芙蓉卅闕暖楊柳玉樓晴
閭闔開中禁衣裳儼太清南山同聖壽長對鳳凰城

十

化洽生成遂功宣動植知瑞凝三秀草春入萬年枝
鳳掖嘉言進鴛行喜氣隨仗臨卅地近衣對碧山垂
溼澤方柔遠聰明本聽卑頌同東觀士長覩漢威儀

張仲素
二首

上元日聽太清宮步虛

僊客開金籙元辰會玉京靈歌賓紫府雅韻出層城

磬雜音徐徹風飄響更清。紆餘空外盡，斷續聽中生。
舞鶴紛將集，流雲駐未行。誰知九陌上，塵俗仰遺聲。

緱山鶴

羽客驟仙鶴，將飛駐碧山。映松殘雪在，度嶺片雲還。
清唳因風遠，高姿對水閑。笙歌憶天上，城郭嘆人間。
幾變霜毛紫，方殊藻質斑。蓬瀛如可到，逸翮詎能攀。

陸贄一首

禁中春松

陰陰青禁裏，蒼翠滿春松。雨露恩偏近，陽和色更濃。
高枝分曉日，靈韻雜宵鐘。香助爐煙遠，形疑蓋影重。
碩符千歲壽，不羨五株封。長得迴天眷，全勝老碧峯。

曉過南宮聞太常清樂

南宮聞古樂，拂曙聽初驚。煙靄遙迷處，絲桐暗辨名。
節隨新律改，聲帶緒風輕。合雅將移俗，同和自感情。
遠音兼曉漏，餘響過春城。九奏明初日，寥寥天地清。

張濛一首

賦前題

玉珂經禮寺，金奏過南宮。雅調乘清曉，飛聲向遠空。
慢隨飄去雪，輕逐度來風。迥出重城裏，傍聞九陌中。
應將肆夏比，更與五英同一聽。南薰曲，因知大舜功。

張季略一首

小苑春望宮池柳色

韶光歸漢苑柳色發秦城半見離宮出總分遠水明
青葱當淑景隱映媚新晴積翠煙初合微黃葉未生
迎春看尚嫩照日見先榮儻得辭幽谷高枝寄一鳴

張昔一首

賦前題

小苑春初至皇衢日更清遙分萬條柳迥出九重城
隱映龍池潤參差鳳闕明影宜宮雪曙色帶禁煙晴
深淺殘陽變高低曉吹輕年光正堪折欲寄一枝榮

裴達一首

賦前題

勝遊經小苑閑望上春城御路韶光發宮池柳色輕

乍濃含雨潤微澹帶雲晴幕歷殘煙歛搖揚落照明
幾條垂廣殿數樹影高旌獨有風塵客思同雨露榮

丁位一首

賦前題

小苑宜春望宮池柳色輕低昂含曉景榮轉帶新晴
似蓋芳初合如絲蔭漸成依依連水暗嫋嫋出墻明
雖以陽和發能令旅思生他時花滿路從此接遷鶯

周存二首

白雲向空盡

白雲生遠岫搖曳入晴空乘化隨舒卷無心任始終
欲銷仍向日將斷或因風勢薄飛難定天高色易窮

影收元氣表光城太虛中儻若從龍出還施潤物功

禁中春松

幾歲含貞節青青紫禁中日華留偃蓋雉尾轉春風
不為繁霜改那將衆木同千枝攢翠色百尺澹晴空
影密金莖近花明鳳沼通安知幽澗側獨與散樗叢

常沂一首

賦前題

映殿松偏好森森列禁中攢柯霑聖澤踈蓋引皇風
晚色連秦苑春香落漢宮操將貞石固材與直臣同
翠影亘青瑣蒼枝秀碧空還知沐天眷千載更為龍

令狐楚二首

南宮夜直宿見李給事封題其日所下制

勅知奏直在東省因以詩寄

番直同遙夜嚴有限幾重青編書白雀其日勅御州奏白雀宜付

史黃紙降蒼龍北極絲綸句東垣翰墨蹤尚垂玄露

點猶濕紫泥封炫眼疑仙燭馳心裏禁鐘定應形夢

寐暫似接音容玉樹春枝動金樽臘釀醲在朝君最

舊休澣許過從

省中直夜對雪寄李師素侍御

密雪紛初降重城杳未開雜花飛爛熳連蝶舞徘徊
灑散千株葉銷疑九陌埃素華疑粉署清氣繞霜臺
明覺侵窓積寒知度塞來謝家爭擬絮越嶺誤驚梅

暗魄微茫照嚴飈次第催稍封黃竹亞先集紫蘭摧
孫室臨書幌梁園泛酒盃靜懷瓊樹倚醉憶玉山頽
翠陌飢鳥噪蒼雲遠鴈哀此時方夜直相望意悠悠哉

盧景亮一首

寒夜聞霜鐘

洪鐘發長夜清響出層岑暗入繁霜切遙傳古木深
何城亂遠漏幾度雜疎砧已警離人夢仍知旅客襟
待時當命侶抱器本無心儻若無知者誰能設此音

鄭網一首

賦前題

霜鐘初應律寂寂出重林拂水宜清聽凌空散迥音



春本時未歇搖曳夜方深月下和虛籟風前間遠砧
靜蕭寒漏徹聞畏曙更侵遙想千山外泠泠何處尋

呂牧一首

涇渭揚清濁

涇渭橫秦野逶迤近帝城二渠通作潤萬戶映皆清
明晦看殊色潺湲聽一聲岸虛深草掩波動曉煙輕
御獵思收釣漁歌好濯纓合流知禹力同共到滄瀛

竇常二首

求自試

僊禁祥雲合高梧彩鳳遊沉宜求自試通鑒果蒙收
文墨悲無位詩書誤白頭陳王抗表日毛遂請行秋

雙劍曾埋獄司空問斗牛希垂拂拭惠感激願相投

花發上林

上苑曉沉沉花枝亂綴陰色浮雙闕近春入九門深
向暖風初扇餘寒雪尚侵艷迴秦女目愁處越人心
繞繞時縈蝶閑閑乍引禽寧知幽谷羽一舉欲依林

王表一首

賦前題

上苑春何早繁華已滿林笑迎明主仗香拂美人簪
地接樓臺近天垂雨露深晴光來戲蝶夕影動棲禽
欲托交雲勢先開捧日心當知桃李樹從此必成陰

權德輿二首

送工部張曹長大夫奉使西蕃

殊隣覆露同奉使小司空西候車徒出南臺節印雄
弔祠將溼命導譯暢皇風故地山河在新恩玉帛通
塞雲疑廢壘閑月照驚蓬青史書歸日翻輕五利功
晚秋陪崔閣老張秘監閣老苗考功同遊
昊天觀時楊閣老新直未滿以詩見寄斐
然酬和有媿蕪音

方駕遊何許仙源去似歸縈迴留勝賞瀟洒出塵機
泛菊賢人至燒丹姹女飛步虛清曉籟隱机吸晨輝
竹徑琅玕合芝田沆瀣希銀鈎三洞字瑤笥六銖木
麗句翻紅藥佳期限紫微徒然一相望郢曲和應稀

武元衡 四首

奉酬中書相公至日圓丘攝事合於中書
 後閣宿齋移止於集賢院叙懷見寄之作
 郊廟祇嚴祀齋莊覲上玄別開金虎觀不離紫微天
 樹古長楊接池深太掖連仲山方補衮文舉自傷年
 風澁銅壺漏香凝綺閣煙仍聞白雪唱流詠滿鶻絃
 途次近蜀驛蒙息賜寶刀及飛龍厩馬使

還因寄李鄭二中書

草草事行役遲遲入詩選故闕碧幢遙隱霧紅旆漸
 依山感激慙集作恩浹風霜去國顏捧刀金錫字歸
 馬且連環威鳳翔雙關征夫護百蠻詩選作龍鳳辭

蠻應憐宣室召温樹不同攀

夏日陪諸寮遊昊天觀因覽舊題詩寄呈

楊華州中丞

三伏草木變九城車馬煩碧霄迴騎吹丹洞入桃源
 臺殿雲浮棟綫纓鶴在軒莫將真破妄聊用靜持喧
 石甃古苔冷冰筠涼簟翻黃公壚下嘆旌旆國東門

和楊二舍人晚秋與崔二舍人張秘監苗

考功同遊昊天觀時中書寓直不得陪隨
 因追往年曾與舊僚聯遊此觀紀題在壁
 已有淪亡書事感懷輒以呈寄兼呈東省
 三給事之作楊公見徵鄙詞因以繼和

瑶圃高秋會金街奉詔辰朱綸天上客白石洞中人
珮響泉聲雜朝衣羽服親九重青瑣秘三秀紫芝新
化樂秦方士偷挑漢侍臣玉笙王子駕遼鶴令威身
歎逝顏波遠緘詞麗曲春重將悽恨意苔壁問遺塵

唐詩品彙七十九卷

唐詩品彙八十卷

餘響

柳宗元 二首

寄
訓婁秀才寓居開元寺早秋月夜病中見

客有故園思瀟湘生夜愁病依居士室夢繞羽人丘
味道憐知止遺名得自求壁空殘月曙門掩候虫秋
張文潛云此聯為集中第一 謬委雙金重難徵雜佩酬碧霄無枉
路徒此助離憂

芾使君昔溪祈雨見召從行至祠下口號
騎陽徂歲事良牧念留畬列騎低殘月鳴笳度碧虛